

Anuncio

Por medio do presente faise público que a Concellería de Urbanismo, Deportes e Xuventude do Excmo. Concello de Lugo, conforme ás competencias establecidas no artigo 25 da Lei 7/1985, do 2 de abril, reguladora das bases do réxime local, e segundo o acordo da Xunta de Goberno Local 3/43, do 18 de febreiro de 2026, sobre a aprobación das bases co fin de elixir o cartel anunciador do Arde Lucus 2026, convoca o Premio de Deseño Gráfico “Arde Lucus 2026”, de acordo coas seguintes bases:

BASES

1- Poderá concorrer toda a poboación con traballos de formato A3 e técnica libre, presentando cantas obras considere oportunas, sendo condición indispensable que as obras sexan orixinais, obrigándose a retiralas no caso de que obtiveran algún premio ou galardón para esa mesma obra con carácter previo.

2.- Os deseños deberán reflectir o espírito da festa Arde Lucus, facendo especial fincapé na reconstrución histórica e a volta da cidade as súas orixes. Terán que visualizar obrigatoriamente o mundo romano e castrexo. A cor dominante no cartel será a vermella, seguindo a seguinte paleta cromática, sen exclusión doutras cores.



Deberá incluírse o seguinte texto:

- Arde Lucus MMXXVI
- Festa de Interese Turístico Internacional
- A páxina web: www.ardelucus.com
- A data de celebración: 18,19,20,21 de xuño
- Os logotipos das redes sociais: X, Instagram, Uoutube e Facebook

Nesta edición do 2026, a festa celebra o seu XXV aniversario, polo que no cartel proposto **deberá figurar obrigatoriamente: ANNVS ARGENTEVVS.**

*O Concello resérvase a potestade de solicitar a emenda sobre o cartel gañador de pequenas erratas, erros ou falla dalgunha información obrigatoria. Polo tanto, no caso de producirse dita situación, esta non implicará a eliminación automática da proposta, ata que a organización, en función da gravidade, decida que facer coa proposta.

AREA DE URBANISMO, DEPORTES E XUVENTUDE

mjp

Ref: XUVENTUDE

Asunto: anuncio BOP concurso cartel Arde Lucus 2026

3.- Establécese un premio ao traballo gañador valorado en 1.900 € con cargo á aplicación orzamentaria 33700.48900. Este premio está suxeito a unha retención do 19% de acordo co disposto na Lei 35/2006, do 28 de novembro, do imposto sobre a renda das persoas físicas. O/A gañador/a deberá estar ao corrente das obrigas tributarias e fronte á Seguridade Social, polo que deberá de cubrir o Anexo II destas bases.

4.- Os carteis presentados quedarán no poder do Excmo. Concello de Lugo. O deseño gañador será empregado como cartel anunciador do "Arde Lucus 2026". Os restantes carteis permanecerán expostos na Casa da Xuventude durante un mes. Unha vez rematada a exposición, terán un prazo de 15 días para ser recollidos polo seu autor/a. Pasado ese prazo, serán propiedade do Concello de Lugo, que decidirá o seu destino.

O cartel gañador será propiedade do Concello, que poderá cedelo a terceiros. Os/As autores/as renuncian a todos os dereitos de explotación. Só conservarán os dereitos de autor/a para incluílo no seu currículo.

5.- A organización resérvase o dereito de exclusión das obras nos seguintes casos:

- Cando se incumpran un ou varios puntos destas bases.
- Cando a participación se realice empregando datos falsos ou existan indicios de que o son, se a persoa non verifica os seus datos no prazo outorgado.
- Cando as obras presentadas non se axusten ao tema do concurso.
- Cando se detecte que algún cartel utiliza imaxes de xeito total ou parcial das que sexa evidente que non posúe os dereitos de autor.
- Cando utilicen a imaxe da muller como reclamo, con connotacións de tipo sexual ou a denigración da súa imaxe, así como calquera outro que atente contra a dignidade das persoas.

Co fin de promover o talento das persoas para as persoas, non se aceptarán os deseños realizados totalmente con intelixencia artificial.

6.- Forma e prazo de presentación das solicitudes.

Os traballos deberán de ser presentados sobre soporte ríxido que facilite a súa exposición, en formato A3, ademais de copia en formato dixital (JPEG ou PNG) con unha resolución de 1890 X 2645.

Deberán ser presentados de xeito anónimo.

O cartel deberá vir identificado cun lema ou título da obra.

Acompañado o cartel proposto e **noutro sobre pechado (o sobre só levará por fóra o título da obra)** deberá presentarse a seguinte documentación:

- Datos persoais da autora ou autor: nome, apelidos, enderezo completo, correo e teléfono
- Copia escaneada do DNI ou equivalente
- Copia escaneada e firmada da declaración xurada que figura no Anexo I destas bases.

Co obxecto de preservar a identidade das e dos autores durante o proceso, estes documentos identificativos serán custodiados polo persoal do Servizo de Xuventude, que con posterioridade ao ditame, incorporará os datos da persoa gañadora na resolución adoptada polo órgano competente.

As persoas interesadas poderán presentar ou enviar os orixinais no Rexistro Xeral do Concello de Lugo no seguinte enderezo:

Rexistro Xeral do Concello de Lugo. Ronda da Muralla, 197. LUGO 27002, indicando no sobre "PREMIO DE DISEÑO GRÁFICO ARDE LUCUS 2026" ou ben nos lugares establecidos no artigo 16.4 da Lei 39/2015, do 1 de outubro, do procedemento administrativo común das administracións públicas.

A convocatoria para a adxudicación das subvencións previstas nas presentes bases publicarase no Boletín Oficial da Provincia de Lugo, segundo o disposto na Lei 38/2003, do 17 de novembro, Xeral de Subvencións.

O prazo para presentar as solicitudes será ata o 27 de marzo de 2026, contado dende o día seguinte á publicación oficial do extracto da convocatoria, na forma e nos termos previstos na Lei Xeral de Subvencións (artigo 17.3.b, 18 e 20.8). Así mesmo, publicaranse as bases no Boletín Oficial da Provincia de Lugo e na páxina web do Concello de Lugo (<http://concellodelugo.gal>), debendo inserirse no "Portal de Transparencia e Bo Goberno" do Concello de Lugo.

O día seguinte laborable, elaborárase unha lista de participantes na que se indicará se estes cumpren os requisitos para participar no concurso e no que se confirme a correcta inscrición dos participantes, outorgando a posibilidade de emendar as solicitudes presentadas, a cal será publicada na Sede Electrónica do Concello.

7.- Unha vez finalizado o prazo de admisión, as obras presentadas serán exhibidas na Casa da Xuventude e nas redes sociais do Arde Lucus.

8.- O Concello de Lugo seleccionará un xurado integrado por 3 vogais, con voz e voto, e presidido polo Tte. de Alcalde Delegado da Área de Urbanismo, Deportes e Xuventude ou persoa en quen delegue e asistido pola Xefa de Sección de Xuventude en funcións de secretaría, ambos os dous sen voz nin voto.

As/os vogais serán nomeados pola Concellería de Urbanismo, Deportes e Xuventude, e serán persoas vinculadas coa ilustración ou o deseño gráfico, con sectores relevantes no eido da cultura, do mundo académico e do patrimonio. A composición do xurado darase a coñecer a través da publicación na Sede Electrónica do Concello para os efectos de recusacións, con carácter previo á celebración do concurso.

O xurado pode propoñer declarar deserto o premio no caso de que ao seu xuízo non se acade unha calidade mínima nas propostas presentadas. A proposta deberá facer constar os elementos de xuízo empregados e que permitan xustificar que se obra con criterios obxectivos e que non se actúa con arbitrariedade.

O xurado elaborará a súa proposta formulada en base aos criterios de avaliación establecidos nestas bases e que se recollerán na correspondente acta das valoracións, na que se propoñerá o/a gañador/a e deben ter elementos de xuízo que permitan xustificar que se obrou con criterios obxectivos e que non se actúa con arbitrariedade.

Con posterioridade terá lugar a resolución do órgano competente, na que se incluírá a listaxe do total de participantes xunto co detalle do que resulta gañador, indicando os recursos que contra a mesma se poderán interpoñer.

A decisión do xurado axustarase aos seguintes criterios

- Deseño e composición estética
- Creatividade e orixinalidade
- Claridade e comunicación visual

AREA DE URBANISMO, DEPORTES E XUVENTUDE

mjp

Ref: XUVENTUDE

Asunto: anuncio BOP concurso cartel Arde Lucus 2026

- Coidado nos acabados e detalles: valoración da execución e atención aos detalles no deseño final

Total de puntuación: 100 puntos, distribuídos do seguinte xeito:

a) Deseño e composición estética. Ata 30 puntos.

Inclúese neste criterio o impacto visual (capacidade do cartel para atraer a atención, a forza expresiva e creatividade), a composición e equilibrio (distribución harmoniosa dos elementos gráficos e textuais; uso adecuado do espazo, das liñas, formas e simetría/asimetría), uso da cor (harmonía cromática, emprego expresivo e adecuado da cor en relación coa mensaxe), tipografía (lexibilidade e integración da tipografía no deseño, elección de fontes coherentes coa temática), coherencia estética coa temática (relación entre o deseño visual e o tema do cartel, capacidade para comunicar visualmente a mensaxe principal), o feito de espertar emocións, así como outros elementos que, debidamente motivados polo xurado, se integren en dito criterio.

b) Creatividade e orixinalidade. Ata 30 puntos.

Valorarase o grao da novidade da idea, a súa singularidade e capacidade para achegar unha visión diferente, sendo unha proposta única e destacando fronte a outras, evitar copiar estilos ou ideas, así como outros elementos que, debidamente motivados polo xurado, se integren no dito criterio.

c) Claridade e comunicación visual. Ata 20 puntos.

Valorarase o uso estratéxico de elementos como tipografía, color, imaxes e xerarquía para transmitir mensaxes directos, funcionais e sen ambigüidades, facilitando a comprensión rápida, así como outros elementos que, debidamente motivados polo xurado, se integren no dito criterio.

d) Coidado nos acabados e detalles. Ata 20 puntos.

Valoración da execución e atención aos detalles no deseño final. Inclúese a precisión na composición, a nitidez das imaxes, a correcta aplicación da tipografía, a harmonía da paleta de cores e a limpeza xeral do resultado, garantindo que o produto final sexa profesional e atractivo, así como outros elementos que, debidamente motivados polo xurado, se integren no dito criterio

A proposta da obra gañadora deberá acadar un mínimo de 60 puntos.

A resolución adoptada darase a coñecer o 9 de abril de 2026 ás 13.00 horas na Casa da Xuventude.

9.- No caso de facerse unha entrega pública, a gañadora ou gañador do certame comprométese a recoller persoalmente o premio ou facerse representar debidamente no acto.

10.- Os carteis premiados quedarán en propiedade e uso exclusivo do Concello de Lugo. As e os autores cederanlle á institución os dereitos totais de exhibición e reprodución das obras premiadas.

11.- As e os gañadores dan o seu consentimento para que o seu nome apareza nos materiais informativos e promocionais, xa sexan impresos ou dixitais do Concello de Lugo. Co fin de poder levar a cabo cantas accións promocionais e de difusión do concurso que considere necesarias a organización, todas as persoas participantes cederanlle ao Concello de Lugo, con carácter gratuito, os dereitos de reprodución e comunicación pública das obras presentadas a concurso. A cesión de ditos dereitos permitiralle ao

Concello de Lugo transformará as obras tecnicamente na medida que sexa necesaria para adecualas ao formato, imaxe ou aparencia de Internet ou calquera outra tecnoloxía susceptible de adscripción a Internet, así como a reproducilas nos soportes físicos que se estimen convenientes.

12.- O simple feito da presentación ao concurso supón a plena aceptación destas bases.

13.- O gañador ou gañadora facilitará ao Concello o arquivo fonte do cartel en formato vectorizado ou por capas, en función da técnica ou programa usado para a súa realización. O arquivo presentado terá a calidade mínima como para ser reproducido en formato 50x70 cm e 300 PPP.

ANEXO I

DECLARACIÓN XURADA

CONCURSO DO **CARTEL ARDE LUCUS 2026**

CONCELLO DE LUGO

DONA/DON con DNI
..... como autora ou autor da/s obra/s titulada/s:
.....
.....

DECLARO,

Que o/s cartel/is presentado/s ao concurso son inéditos e da miña autoría.

Que non recibiron outros premios ou distincións pola participación noutros concursos de similares características.

Que son a/o única/o titular dos dereitos de autor do cartel, e fágome responsable de calquera tipo de reclamación, eximindo ao Concello de Lugo da dita responsabilidade.

Que na súa elaboración non se utilizou nin parcial nin totalmente a intelixencia artificial.

....., de de 2026

ANEXO II

DECLARACIÓN RESPONSABLE

CONCURSO DO **CARTEL ARDE LUCUS 2026**

CONCELLO DE LUGO

DONA/DON con DNI
..... como autora ou autor da/s obra/s titulada/s:

AREA DE URBANISMO, DEPORTES E XUVENTUDE

mjp

Ref: XUVENTUDE

Asunto: anuncio BOP concurso cartel Arde Lucus 2026

.....
.....

DECLARO,

Estar ao corrente no cumprimento das obrigas tributarias fronte á Axencia Estatal da Administración Tributaria, á Tesourería Territorial da Seguridade Social e ao Concello de Lugo, respectivamente

....., de de 2026

Asinado electronicamente polo Tte. Alcalde Delegado da Área de Urbanismo, Deportes e Xuventude Jorge Bustos Atanasio.